

ጳጳርሲ ፃፊዳ ኮይር ኪታ ጋሳ ቆፋ

ሃዋርያ ጳጳርሲ ፃፊዳ ኮይር ኪታይ ፃፊትዳይ፡ «ደሬቲዳ ፆሳ አሳታ» ጌቲቲ ጌጌቲዳይሳታሲኔ ጉላ ኢሲያን ፑይሃ ባጋን ላሌቲዳ አማኒያ አሳሳ፡ ሃ ኪታ አይፊ ቆፋይ፡ አማኖ ጋሶን ሜቶይኔ ዋዬይ ጋኪዳ አሳ ሚንጹላናሳ፡ ሃ ማፃፋ ፃፊይ፡ ኢያ ሃይቆዋ፡ ኢያ ዴንዲዋ፡ ኢያ ናምዓንሎ ዩሳ ኦዲያ ዩሱስ ኪሪስቶሳ ዋንጌላ ቃላ ኤንታ ሃሳይሴስ፡ ዩሱስ ኪሪስቶሳ ዴዑዋ ለሚሶ ኦሊ ጌሊዲ፡ ሜቲዋ ዳንዳዓን ካንላናዳ ኤንታ ቆፊሴስ፡ ሄሳራ ጋሊዲ፡ ሜቶይ ኤንታ አማኑዋ ጌሻቴላ ፓጩይሳኔ፡ «ዩሱስ ኪሪስቶሲ ቆንጩያ ጋላስ» ቤሲያ ዋይቶ ኤንቲ ኤካናው ዴዔይሳ ሃሳይሴስ፡

ፃፊይ፡ ኤንቲ ሜቶ ዳንዳዓና ሜላ ሚንጹላይሳ ቦላ ኪሪስቶሳ ካሊያ አሳቲ ዴዔይሳዳ ዳና ሜላ ቆፊሴስ፡

1 ጳጳርሳ ኪታ አይፊ ቆፋታ

- ሳርሶ 1:1-2
- ፆሳይ ኑስ ኢሚዳ አቶቴላ 1:3-12
- ጌሻቴላ ዲሱ 1:13-2:10
- ሜቶ ዋዴ አማኒያ አሳይ ሃናናው ቤሲያባ 2:11-4:19
- ጩማታሲኔ ናዓቴላታስ ኢሜቲዳ ዞሬ 5:1-11
- ኩሻ ቆፋ 5:12-14

1 ታኒ፡ ዩሱስ ኪሪስቶሳ ሃዋሪይ ጳጳርሲ፤ ጳንፆሳን፡ ጋላቲያን፡ ቃጳዶቂያን፡ ኢሲያኒኔ ቢቲኒያን ቤታንቾዳ ላሌቲዲ ዴዔያ ፆሳይ ደሪዳ፡ አሳስ ሃ ዳብዳቢያ ፃፋሰ፡ 2 ዩሱስ ኪሪስቶሳሰ ሂንቲ ኪቲታና ሜላኔ ኢያ ሱላን ጌያና ሜላ፡ ፆሳ አዋይ ባ ካሴ ኤራን ደሪዳይሳታሲኔ ጌሻ አያናን ጌዱዳ፡ ሂንቲው አጽ ኬሃቴላይኔ ሳርቴላይ ጊደ፡

ጳዮና ኡፋይሳ

3 ዩሱስ ኪሪስቶሳ ሃይቆፔ ዴንሊዲ ባ ጊታ ማርቴላን ናምዓንሎ ዩሌቴላኔ ጳዮና ኡፋይሳ ኢሚዳ ኑ ጎዳ ዩሱስ ኪሪስቶሳ አዋይ፡ ፆሳይ ጋላቴቶ፡ 4 ቃሲ ፆሳይ ሂንቲው ጳዮና፡ ኢቶናኔ ቡቆና ላታ ሳሎን ገጊሲሰ፡ 5 ሂ ላታይ ዋዴ ዉርሴላን ቆንጩናው ዴዔያ አቶቴላስ ፆሳ ዋልቃን አማኖን ሂንቲው ናጌቲዲ ዴዔሰ፡

6 ሃሲ ጉላ ዋዴሰ ሂንቴ ዲማ ዲማ ፓጩን ኡንዔቲኮካ ሄሳን ኡፋይቲቴ። 7 ሄ ፓጩይ ሂንቴና ጋኪዲይ፣ ታማን ዩጊን ጳያ ዋርቃፌ ሂንቴ አማኖይ አጵኔ ቱማ ጊዴይሳ ቤሳናሳ። ሄ ፓጩቲዳ አማኑዋን ዩሱሰ ኪሪሰቶሲ ቆንጨያ ዋዴ ጋላታ፣ ቦንቾኔ ሳባ ሂንቴ ኤካና። 8 ሂንቴ ዩሱሳ ቤዒቤኬታ፣ ሺን ኢያ ሲቋታ። ሂንቴ ሃሲ ኢያ ቤዒቦናባ ጊዲኮካ፣ ኢያ አማኔታ። ቃሲ ኦዲን ቆንጨሳናው ዳንዲዔቶና ኡፋይሳኒኔ ቦንቾን ኩሚዴታ። 9 ሂንቴ አማኖን ናጊያ ሂንቴ ሺምፑዋ አቶቴላ ኤካና።

10 አጵ ኬሃቴላ ባጋራ ሂንቴው ገጊዳ ሃ አቶቴላባ ናቤቲ ኤራናው ገታ ኮሻኒኔ ናጎን ኮዪደሶና። 11 ኤንታን ዴዒያ ኪሪሰቶሳ አያናይ ኢያ ዋያባኔ ሃሳፌ ጉዬ ያና ቦንቾዋባ ካሲቲዲ ማርካቲሺ፣ አዉዴ ዋይኮ ዋኒዲ ሃናኔኮ አኬካን ፒልጊደሶና። 12 ናቤቲ ኦዲዳ ቲንቢቲይ ባንታው ጊደናሺን ሂንቴው ጊዴይሳ ያሳይ ሂንቴው ቆንጨሲሰ። ሃሲ አሳይ ሂንቴው ኦዲዳ ዋንጌላ ሳሎፔ ኪቲቲዳ ጌሻ አያና ዋልቃን ሂንቴው ኦዲደሶና። ኪታንቾቲካ ሃሳ ቤዓናው አሞቲደሶና።

ጌሻቴላን ዴዒቲ

13 ሃሳ ጊሾ፣ ኦሶሰ ሂንቴና ገገሲቲ፤ ሂንቴና ሃሪቴ። ዩሱሰ ኪሪሰቶሲ ቆንጨያ ዋዴ ሂንቴ ኤካና አጵ ኬሃቴላ ኡፋይሳን ናጊቴ። 14 ያሳ ናይታዳ ኢያው ኪቲቲቴ፤ ሂንቴ ካሴ ኤርና ኦሉዳ ኢታ አሙዋ ካሎፊቴ። 15 ሺን ሂንቴና ጃጊዳ ያሳይ ጌሺ ጊዲዳይሳዳ ሂንቴካ ሂንቴ ዲሳ ኡባን ጌሺ ጊዲቲ። 16 ጌሻ ማፃፋን፣ «ታኒ ጌሺ ጊዲዳ ጊሾ ሂንቴካ ጌሺ ጊዲቲ» ጌቲቲ ያፌቲሰ።

17 አሳ ሶምዎ ቤዖና ኢያ ኦሱዋዳ ፒርዲያ ያሳ፣ «ኑ አዋው» ጊዲ ጃጊያባ ጊዲኮ፣ ሃ ሳዓ አማላቴላ ዲሳ ያሻን ዴዒቲ። 18 ሂንቴ፣ ሂንቴ አዋታፔ ላቲዳ ፓሶና ዴዐዋፔ ዋዜቲዳይሲ፣ ጳያ ቢራን ዋይኮ ዋርቃን ጊደናይሳ ኤሬታ። 19 ቦሬይ ዋይኮ ቦርሶይ ባይና ደርሳ ሱላዳ አልዎ ጊዲዳ ኪሪሰቶሳ ሱላን ዋዜቲዴታ። 20 ያሳይ አላሜይ ማዴታናፔ ካሴ ኪሪሰቶሳ ደሪሰ፣ ሺን ሃ ዉርሴላ ዋዲያን ኪሪሰቶሲ ሂንቴ ጊሾ ቆንጨሲ። 21 ሂንቴ አማኖይኔ ሂንቴ ኡፋይሳይ ያሳን ጊደና ሜላ ኢያ ሃይቆፔ ዴንሉዲ፣ ቦንቾዳ ኪሪሰቶሳ ባጋራ ያሳን አማኔታ።

1:16 ለዌ 11:44-45፤ 19:2

22 ሂንቴ ቱማቴላስ ኪቴቴዲ ሂንቴናቴላ ጌሺዳታ። ሂንቴ ኢሶይ ኢሱዋ ዋዛናፔ ሲቋታ፣ ሺን ሃዒካ ቱማ ዋዛናፔ ሚንሊዲ ሲቋቴ።

23 ሂንቴ ናምዓንሉ ዩሌቴዲይ ቆያ ዜሬላፌ ጊደናሺን ማሪናው ደዒያ ያሳ ቃላን ቆዮና ዜሬላፌ ዩሌቴዳታ። 24 ያሳ ቃላይ፡ «ኣሲ ኡባይ ማታ ማላ፤

ኢያ ቦንቾ ኡባይ ጨሻ ማላ። ማታይ ማሌስ፣ ጨሻይካ ቆሌቴስ።

25 ሺን ጎዳ ቃላይ ማሪናው ደዒስ» ያጌስ። ሂንቴው ኦዴቴዳ ዋንጌላ ቃላይ ሃይሳ።

2

ዴዎ ሹቹኔ ጌሻ ዴሬ

1 ሂዛ፣ ኢታቴሊ ኡባ፣ ጨዋ ኡባ፣ ጨቦቴሊ ቃናቴኔ ዘጊርሲ ኡባ ሂንቴፌ ዲጊቴ። 2-3 ጎዳይ ኬሃ ጊዴይሳ ሂንቴ ኤሪዲ ማዜቴዳይሳዳ ሃዒ ዩሌቴዳ ጉላ ናይታዳ ሂንቴ ኣቶቴላን ዲጨሺ ባናው ያሳ ጌሻ ቃላ ማላ ኡባ ዋዴ ኣሞቴቴ።

4 ኣሳን ቦሬቴዲ ያሳን ዶሬቴዳ ኣልዎ ጊዲዳ ዴዎ ሹቻ፣ ጎዳ ዩሱሳኮ ሺቋቴ። 5 ሂንቴ ኣያና ኬሊ ኬፀቴያ ዴዎ ሹቻታ። ሂንቴ ዩሱስ ኪሪስቶሳ ባጋሪ ያሳ ኡፋይሲያ ኣያና ያርሾ ያርሺያ ጌሻ ካሂኔታ። 6 ጌሻ ማፃፋን፡

«ሄኮ፣ ታኒ ጂዮኔ ካታማን ጎዳ ፃጶዋ ሚንሊያ፡

ዶሬቴዳ፣ ኣልዎ ሹቻ ዋላስ፤

ኢያን ኣማኒያ ኦኒካ ዩላቴና»

ያጌስ። 7 ሃ ሹቻይ ሂንቴው ኣማኔይሳታስ ኣልዎ፣ ሺን ኣማኖናይሳታስ፡

«ጊምቤይሳቲ ካዲዲ ኢዲዳ ሹቻይ

ጎዳ ፃጶዋ ሚንሊያ፡

ኡባፌ ኣዲያ ሹቹ ጊዲስ።»

8 ቃሲካ፡

«ሃ ሹቻይ ኣሴ ቆቢያ ሹቹኔ ኣሴ ኩንዲሲያ ዛላ»

ያጌስ። ኤንቴ ሂሳስ ቃዴቴዳ ጊሾ ያሳ ቃላ ኪቴቶና ኢዲዲ ቆቤቴደሶና።

1:24 ኢሳ 40:6-8 2:2-3 ማዝ 34:8 2:6 ኢሳ 28:16 2:7 ማዝ 118:22 2:8 ኢሳ 8:14-15

9 ሺን ያሳይ ቆማፔ ማላሊሲያ ባ ፖዑዋኮ ሂንቴና ያጊዳይ፡ ሂንቴ ኢያ ሎዎቴላ ሃራታስ ኑዳናው ደሬቴዳ ዛሬ፡ ካዎ ካሂኔ፡ ጌሻ ዳሬኔ ያሳ ዲማ ዳሬ። 10 ሂንቴ ካሴ ያሳ ዳሬ ጊዳኬታ፡ ሺን ሃዒ ሂንቴ ኢያ ዳሬ። ሂንቴ ካሴ ማርቴላ ዳሚቤኬታ፡ ሺን ሃዒ ማርቴላ ዳሚዳታ።

ያሳ አይሌዳ ዳዎ

11 ታ ኢሻቶ፡ ሂንቴ ሃ ሳዓን ኢማሌኔ ቤታንቾ ጊዲዳይሳዳ ሂንቴ ሼምፑዋ ኦሊያ አሾ አሞፔ ሃካና ማላ ታኒ ሂንቴና ዋሳይስ። 12 አማናና አሳይ ሂንቴና ኢታ ኦሊያ አሳዳ ዘገርያ ዋዴ ያሳይ ኑና ቤዓናው ያ ጋላስ፡ ኤንቲ ሂንቴ ሎዎ ኦሱዋ ቤዒዲ ያሳ ጋላታና ማላ ሂንቴው ሎዎ ዳዎይ ዳዎ።

13 ጎዳ ጊሾ ጊዲ ማታራ ዳዒያ አሳታስ ሃሬቴቴ፤ ኡባፌ ቦላ ጊዲያ ጊሾ ካወዋሰካ ሃሬቴቴ። 14 ኤንቲ ኢታ ኦሊይሳታ ሴራናዉኔ ሎዎ ኦሊይሳታ ሳባናው ካወዋፔ ኪቴቴዳ ጊሾ ዳሪያ አይሴይሳታስ ሃሬቴቴ። 15 ሂንቴ፡ ሂንቴ ሎዎ ኦሱዋን ኤርና ኤያ አሳ ደና ኦይላናይሴ ያሳ ሸኔ። 16 ያሳ አይሌ ጊዲዲ ላዓቴላን ዳዒቴፔ ኦቴን ሂንቴ ላዓቴላ ኢታ ኦሶስ ካማ ኦሶፊቴ። 17 አሳ ኡባ ቦንቺቴ፤ አማኒያ አሳ ሰቂቴ፤ ያሳ ያዩቴ፤ ካዎ ቦንቺቴ።

ኪሪሰቶሳ ዋያ ለሚሱዋ

18 አይሌቶ፡ ሎዎ ጎዳታሴኔ ኬሃ ጎዳታ ፃላላስ ጊደናሺን ኢታታሰካ ቦንቾን ሃሬቴቴ። 19 አሴ ያሳ ጊሾ ጊዲ ቤሶና ዋዬ ዋዬቴኮ ያሳይ ኢያ አንጅና። 20 ሺን ሂንቴ ናጋራ ኦሊን ሂንቴና ዳቺያ ዋዴ ሂንቴ ዳንዳዒኮ ሂንቴው አይ ጋላቴ ዳዒ? ሺን ሎዎባ ኦሊዲ ዋዬ ዳንዳዒኮ ያሳይ ሂንቴና ሃሳስ አንጅና። 21 ያሳይ ሂንቴና ያጊዳይ ሃሳ ጊሾሳ፤ ኪሪሰቶሴ ሂንቴው ዋዬቴስ፤ ሂንቴ ኢያ ካላና ማላ፡ ሂንቴው ለሚሶ ጊዲስ። 22 ኢ ናጋራ ኦሊቤና፤ ኢያ ደናንካ ዋርደይ ቤንቲቤና። 23 ኤንቲ ኢያ ጫያ ዋዴ ዛሪዲ ጫዩቤና። ሺን ዋዬ ኤኪሼ ዓሎ ፐርዲያ ያሳሰ ባ ፐርዳ አጋገሰፔ ኦቴን ማንዲቤና። 24 ኦኒ ናጋራስ ሃይቂዲ ዓሎቴላስ ደና ማላ ኪሪሰቶሴ ባ አሹዋን ኑ ናጋራ ማሰቃሊያ ቦላ ቶኪስ፤ ሂንቴ ኢያ ማዳንላን ፓዒዳታ። 25 ካሴ ሂንቴ ኦጌ ባሊዲ ቆዩዳ ደርሳ

2:9 ኬሳ 19:5-6፤ ኢሳ 43:20-21፤ ዛሬ 4:20፤ 7:6፤ 14:2፤ ቲቶ 2:14፤ ኢሳ 9:2 2:10 ሆሴ 2:23 2:22 ኢሳ 53:9 2:23 ኢሳ 53:7 2:24 ኢሳ 53:5

ሜላ፡ ሺን ሃዲ ሂንቲ ሸምጥዎ ሄሜይሳኮኔ ናጌይሳኮ ሲሚዳታ።

3

አዚናባኔ ማቸባ

1-2 ሃሳዳካ፡ ማቸቶ፡ ሂንቲ አዚናታፔ ያሳ ቃላስ ከቲቶናይሳቲ ደዲኮካ አይኮካ ኦዴቶናሺን፡ ሂንቲ ያሻቴላኔ ሂንቲ ጌሻ ደዑዎ ቤዲዲ አማናና ሜላ ኤንታው ሃሬቲቲ። 3 ሂንቲ፡ ሂንቲ ሁዔ ፒያኒኔ ዋርቃ አሶን ዋይኮ ሎዎ ማዎን ሂንቲ ቦላ አሳቴላ ሎይሶን ጌደፖ። 4 ሺን ሂንቲ ዋዛና ጌደን ደዲያ ዩጌልሳቴላይ ያሳ ሲንላን ሂንቲው ዳሮ አልዎ ጌዲዲ ቆዮና፡ አሸኬኔ ዋፑ ጌዳ አያና ጌደ። 5 ያሳይ አማና ጌዳይሳ አማኒዳ ጌሻ ማጫሳቲ ቢኒ ዋዴ ባንታ አዚናታስ ሃሬቲዲ፡ ባንታና ሃሳዳ ዳሮ ሎይሌደሶና። 6 ሃሳዳ ሳራ አብራሃሜ፡ «ታ ጎዳው» ያጋዳ ያጋሽ፡ ኢያው ከቲታሱ፤ ሂንቲካ አይኮካ ያዮና ሎዎባ ኦሌኮ ኢ ናይታ።

7 አዚናቶ፡ ሂንቲ ማቸቲ ሂንቲፌ ዳቡራንቸ ሜዴታ ጌዳይሳ ኤሬዲ፡ ኤንታና ቦንቸቲ፤ ሂንቲ ዋሳ ቆቦና ሜላ ያሳይ አሚዳ ደዑዎ ኤንቲ ሂንቲራ ኢሲፌ ላቲያ ጌሾ ኤንታ ቦንቸቲ።

ሎዎ ኦሌዲ ሜቶ ኤኮ

8 ወርሴላን፡ ኡባይ ኢሲ ቆፋን ደዲቲ። ኢሶይ ኢሱዋስ ቃዴቲሹ፡ አሻዳ ሲቄቲቲ፤ ቃሲ ኢሶይ ኢሱዋስ ኬሃታኔ አሸኬታ ጌዲቲ። 9 ኢታ ጌሾስ ኢታ ዋይኮ ጫሻ ጌሾ ጫዱዲ ዛርፒቲ፤ ሃሳ አጌዲ፡ ያሳይ ሂንቲው አንጂዋ አማናው ሂንቲና ያጌዳ ጌሾ አንጂቲ። 10 አይስ ገኮ፡ ጌሻ ማፃፋይ፡ «ደዎ ደሴይኔ ሎዎ ዋዴ ቤዓናው ኮዬይ ኦና ጌዲኮካ ባ ኢንፃርሳን ኢታባኔ ዋርዶ ኦዴቲይሳ አጎ።

11 ኢታባ ኦሌይሳ አጌዲ ሎዎባ ኦላ፤

ሳርቴላካ ኬሂ ኮዮኔ ካሎ።

12 ጎዳ አይፌይ ዒሎታኮ ዒሌሰ፤
ቃሲ ኢ ኡባ ዋዴ ኤንታ ዋሳ ሃይዜሰ።

ሺን ጎዳይ ኢታባ ኦሌይሳታ ባ ሃንቆ ሶምዑዋን ዒሌሰ» ያጌሰ።

2:25 ኢሳ 53:6 3:1-2 ኤፌ 5:22፤ ቆላ 3:18 3:3 1፻ዎ 2:9 3:6
ሜዴ 18:12 3:7 ኤፌ 5:25፤ ቆላ 3:19 3:10 ማዝ 34:12-16

13 ሂንቴ ሎዎባ ኦፋናው አሞቲኮ ሂንቴና ቆሃናይ ኦኔ? 14 ሃሪ አቶሺን፣ ዲሎቴላ ጊሾ ሂንቴ ዋዬቲኮ ኣንጃቲዳይሳታ። ኣሳሰ ያዮፊቴኔ ሂርሳፊቴ። 15 ኪሪሰቶሳ ሂንቴ ዋዛናን ቦንቺቴኔ ጎዳዪቴ። ያሳይ ሂንቴው ኢሚዳ ኡፋይሳሰ ጋሶ ኦይቺያ ኦዳሰካ ዛር ኢማናው ኡባ ዋዳ ገጊ ኡቲቴ፣ ሺን ሄሳ ኣሽኬቴላኒኔ ያሻን ኦሊቴ። 16 ቃሲ ኪሪሰቶሳን ሂንቴ ዴዲያ ሎዎ ዴቡዋ ኢታባ ኦሊዳባዳ፣ ሂንቴና ጫያ ኣሳይ ዘገርያባን ዬላታና ሜላ ሂንቴ ካሃይ ጌሺ ጊደ። 17 ያሳይ ገዳባ ገዲኮ ኢታባ ኦሊዳ ጊሾ ዋዬ ኤኬይሳፊ ሎዎባ ኦሊዳ ጊሾ ዋዬ ኤኬይሲ ሎዎ። 18 ኪሪሰቶሲ ኑና ያሳኮ ሺሻናው ባው ዲሎ ገዲዲ ዴዲሼ፣ ናጋራንቸታ ጊሾ ኢሲ ቶሆ ናጋራ ኡባሰ ሃይቁሰ፤ ኢ ባ ኣሳቴላን ሃይቁሰ፣ ሺን ኣያናን ፓዲሰ። 19 ቃሲ ሄ ኣያናን ኢ ቢዲ ቃሾን ዴዲያ ሹምፖታሰ ቃላ ኦዲሰ። 20 ኖሃይ ማርካቢያ ኬዲያ ዋዳ ሄ ሹምፖቲ ያሳሰ ኪቴቶና ኢዲዶሶና፣ ሺን ያሳይ ኤንታና ዳንዳዲሰ። ሆሰፑን ኣሳ ያላሊ ማርካቢያን ጌሊዲ፣ ጳዮ ሃላፊ ኣቲዶሶና። 21 ሄ ጳዮ ሃላይ ሃዲ ሂንቴና ኣሺያ ዲንቃቴ ለሚሶ ገዲሰ። ሃ ዲንቃቴይ ቦላ ቁታ ሜጮ ገደናሺን ሎዎ ካሃ ያሳፊ ኤካናው ኢያ ዋሲያ ኦጌ ገዲዲ፣ ኪሪሰቶሳ ዴንዳዎ ባጋራ ሂንቴና ኣሼሰ። 22 ኢ ሳሎ ቢዲ ያሳ ኡሻቻን ኡቲዲ፣ ኪታንቸታ፣ ማታ ኣዋታኔ ዋልቃማታ ሃሪሰ።

4

ያሳሰ ዴዎ

1 ሄሳ ጊሾ፣ ኪሪሰቶሲ ባ ኣሹዋን ኑሰ ዋዬቲዳ ጊሾ ሂንቴካ ሄ ቆፋን ሂንቴና ዳንጨሲዲ ሚኒዲ ኤቁቴ። ኪሪሰቶሳ ጊሾ ገዲ ባ ኣሹዋን ዋዬ ኤኬዳ ኡራይ ናጋራ ኦሊኬ ገዲ ቃንዲዳ ኣሲ። 2 ሄ ኡራይ ባ ኣቲዳ ሳይላን ያሳ ሼኔ ኦፋናው ኮዬሲፔ ኣቲን ኢታ ኣሾ ኣሞን ዴና። 3 ካሴ ሂንቴ ኣማኖና ኣሳይ ዴዲዳይሳዳ ዴዲዴታ። ሂንቴ ኢታ ኣሞን፣ ላይማቴላን፣ ማሉን፣ ቱናቴሊ ዴንጫሊያ ዬላን፣ ፖኪያ ኤቃ ጎይናን ካሴ ዴዲዳ ዴሳይ ገደና። 4 ኣማኖና ኣሳራ ሂንቴ ሾሪ ባይና ኦሱዋ ኦሶና ጊሾ ማላሊቲዲ ሂንቴና ጫዮሶና። 5 ሺን ኤንቲ ፓፃታ ቦላኔ ሃይቁዳ ኣሳ ቦላ ፐርዳናው ዴዲያ ያሳሰ ዛር ኢማና። 6 ሃይቁዳ ኣሳሰ ዋንጌላይ ሳባኬቲዳይ ሃይሳ

3:14 ማቶ 5:10፤ ኢሳ 8:12-13 3:20 ሜዴ 6:1-7:24

ጊሾሳ። እንቲ አሳሉ ባንታ አሹዋን ፐርዳታና ቃሲ ባንታ አያናን ያሳሉ ዴዎን ዳና።

7 ሂዛ፡ ኡባባሰ ዉርሴላይ ማታቲሰ። ሄሳ ጊሾ፡ ዋሳናው ዳንዳዔታና ማላ ዋፑ ጊዳ ዋዛኒ ዴዎ፤ ማራራ ዴዒቲ። 8 ሲቆይ ዳር ናጋራ ካሚያ ጊሾ ኡባፌ አሲዲ ኢሶይ ኢሱዋራ ዋዛናፔ ሲቆቲቲ። 9 ዙዙዋና ኢሶይ ኢሱዋ አማላቲሳን ሞከቲ። 10 ሂንቲ ያሳፌ ዲማ ዲማ አጾ ኬሃቲሳ አሞታ ኤኪዳይሳዳ ሂንቲ ኢሶይ ኢሶይ ሄ ኢሙዋ ቤሲያዳ ኦይኪዲ ኢሶይ ኢሱዋ ሃጋዚቲ። 11 ዬሱስ ከሪሰቶሳ ባጋራ ኡባባን ያሳይ ጋላቲታና ማላ ኦኒካ ኦዲያባ ጊዲኮ ያሳፌ ቃላ ኤኪዳዳ ኦድ። ቃሲ ኦኒካ ማዲያባ ጊዲኮ ያሳይ ኢያው አሚያ ዋልቃዳ ማድ። ቦንቶይኔ ዋልቃይ ማሪናፔ ማሪና ጋካናው ኢያው ጊድ። አሚንዒ።

አማኖ ጋሶን ጋኪያ ዋያ

12 ታ ባጋቶ፡ ሂንቲ ታማዳ ፀጊያ ዋዬ ፓጪያ ጊድራ አጲያ ዋዴ ኦራላባይ ሃኒዳዳ ማላሌቶፊቲ። 13 ሺን ኢያ ቦንቶይ ቆንጪያ ዋዴ ሂንቲ ኡፋይሳይ ጊታ ጊዳና ማላ ከሪሰቶሳ ዋያ ሂንቲ ኤኬይሳን ኡፋይቲቲ። 14 ከሪሰቶሳ ሱንላ ጊሾ አሲ ሂንቲና ጫያ ዋዴ ያሳ ቦንቶ አያናይ ሂንቲ ቦላ ሸምፐያ ጊሾ ሂንቲ አንጃቲዳይሳታ። 15 ሂንቲፌ ዋዬ ኤኪያ ኦኒካ ሸምፐ ዋዲዳዳ ዋይኮ ካይሶቲዳዳ ዋይኮ ኢታ ኦሲዳዳ ዋይኮ ጌልሶናባን ጌሊዳዳ ሃኒዲ ዋዬቶፎ። 16 ጊድሺን፡ አማኖ ጊሾ ዋዬቲኮ ከሪሰቶሳ ሱንላ ጊሾ ያሳ ጋላቶፔ አቲን ዬላቶፖ።

17 ፐርዲ ያሳ አሳ ቦላ ደሚያ ዋዴይ ጋኪሰ። ሂዛ፡ ሄ ፐርዳይ ኮይር ኦ ቦላ ደሚያባ ጊዲኮ፡ ያሳ ዋንጌላሰ ከቲቶና አሳ ዉርሴላይ አይ ጊዳኔ? 18 ዲሎይ ኡንሳን አቲያባ ጊዲኮ፡ ማካላንቶይኔ ናጋራንቶይ ያቲን ዋናኔ? 19 ሄሳ ጊሾ፡ ያሳ ሺኔዳ ዋዬ ኤኬይሳቲ ባንታ ሸምፑዋ ሃዳራ ባንታና ማዲዳ፡ አማንሴያ ያሳሰ አሚሼ ሎዋባ ኦሎ።

5

ጨማታሲኔ ያላጋታሰ አሜቲዳ ዞሪ

1 ሂዛ፡ ዋሳ ኬሳ ጨማታራ ጨማ ጊዲዳይሲ፡ ከሪሰቶሳ ዋያ ማርካቲይሲኔ ቆንጫናው ዴዒያ ቦንቶዋ ሻኬታናው ዴዒያ ታኒ፡ ሂንቲ ጊድን ዴዒያ ጨማታ ዞራይሰ። 2 ሂንቲ አዋቲሳፌ ጋርሳን ዴዒያ ያሳ ዉዲያ ሄሚቲ። ያሳይ ኮዬይሳዳ ደሳናፔ አቲን

4:8 ሎሚ 10:12 4:18 ሎሚ 11:31

ኡንዴቲዲ ሃዋዕቲ። ቃሲ ሚሼ ኮሻን ገደናሺን ሃጋዛናው ደዲያ ሎዎ ቆፋን ህሚቲ። 3 ሂንቴ አዋቴላፌ ጋርሳን ደዲያ ወዲያሰ ሌሚሶ ገዲቴፔ አቲን ጎዳቶፒቲ። 4 ህሚይሳታ ሃላቃይ ቆንጨያ ዋዳ ቆሌቶና ቦንቾ ካላቻ ሂንቴ ኤካና።

5 ህሳዳካ፥ ያላጋቶ፥ ጨማታሰ ሃሬቲቲ። ሂንቴ ኢሶይ ኢሱዋሰ አሸኪ ገዲቴ። ጌሻ ማፃፋን፥ «ዎሳይ ኦቶራንቾታ ኢዳሰ፥ ሺን አሸኪታሰ አጾ ከሃቴላ ኢሜሰ» ያጌሰ። 6 ዎሳይ ባ ዋዳ ሂንቴና ቦንቻና ሜላ ዋልቃማ ዎሳ ኩሺያፔ ጋርሳን ሂንቴና ካወሺቲ።

7 ኢ ሂንቴው ቆፒያ ገሾ ሂንቴና ሂርጊሲያ ኡባ ኢያ ቦላ ዩጊቲ።

8 ሂንቴ ሞርኬይ ዓላሄይ፥ ሚቲያባ ኮዩዲ፥ ጋሞዳ ጉዲሼ ሂንቴ ማታራ ዩያ ገሾ ሂንቴና ሃሪቴኔ ባርኪቲ። 9 አላሜን ደዲያ ሂንቴ አሻቲ ህሳዳ ዋዬ ኤኬይሳ ኤሪዲ፥ አማኖን ሚኒዲ፥ ዓላሂያራ ኤቁቲቲ። 10 ባ ሜሪና ቦንቾዋሰ ኪሪሰቶሰ ዩሱሳ ባጋራ ሂንቴና ያጊዳ አጾ ከሃቴላ ኡባ ዎሳይ፥ ጉላ ዋዳሰ ሂንቴ ዋዬቲዳፔ ጉዬ፥ ኢ ባ ሁዔን ሂንቴና ሺሻና፥ ካቲሳና፥ ሚንሊዲ ኤሳና፥ ያሊሳና። 11 ሜሪናፔ ሜሪና ጋካናው ዎሳይ ካዎቶ፥ አሚንዒ።

ወርሴሳ ሳርሳ

12 አማኔቲዳ አሻ ጋዳ ታ ኤኪያ ሲላሴ ባጋራ ሃ ዳብዳቢያ ሂንቴው ቃንሳን ያፋሰ። ታ ህሳ ሂንቴው ያፊዳይ፥ ሂንቴና ዞራናወኔ ዎሳ አጾ ከሃቴላይ ቱማ ገዳይሳ ማርካታናሳ። ሄ አጾ ከሃቴላን ሚኒዲ ኤቁቲ።

13 ሂንቴራ ኢሲፌ ደሪቲዳ ባቢሎኔን * ደዲያ ዎሳ ከሳ አሳይኔ ታ ናዒ ማርቆሲ ሂንቴና፥ «ሳር ሳር» ያጌሰ። 14 ሲቆ ዩሬቴላ ዩሬቲሼ፥ ኢሶይ ኢሱዋ ሳርሊቲ።

ኪሪሰቶሳን ደዲያ ሂንቴ ኡባሰ ሳርይ ገደ። አሚንዒ።

5:2 ዮሃ 21:15-17 5:5 ለሚ 3:34 5:6 ማቶ 23:12፤ ሉቃ 14:11፤ 18:14 5:12 ሃ.ኦ 15:22፣ 40 * 5:13 ባቢሎኔን፣ ሃ ቤሳን ባቢሎኔ ጌቲቲዳይ ሮሜ ካታማ ገደና አጎና። 5:13 ሃ.ኦ 12:12፣ 25፤ 13:13፤ 15:37-39፤ ቆላ 4:10፤ ፊልሞ 24

ኦራሳ ጩቂዋ ጎፋላ
New Testament in Gofa

copyright © 2011 Wycliffe Bible Translators, Inc.

Language: Gofa

Translation by: Wycliffe Bible Translators, Inc.

Copyright Information

© 2011, Wycliffe Bible Translators, Inc. All rights reserved.

This translation text is made available to you under the terms of the Creative Commons License: Attribution-Noncommercial-No Derivative Works. (<http://creativecommons.org/licenses/by-nc-nd/3.0/>) In addition, you have permission to port the text to different file formats, as long as you do not change any of the text or punctuation of the Bible.

You may share, copy, distribute, transmit, and extract portions or quotations from this work, provided that you include the above copyright information:

You must give Attribution to the work.

You do not sell this work for a profit.

You do not make any derivative works that change any of the actual words or punctuation of the Scriptures.

Permissions beyond the scope of this license may be available if you contact us with your request.

The New Testament

in Gofa

© 2011, Wycliffe Bible Translators, Inc. All rights reserved.

This translation is made available to you under the terms of the Creative Commons Attribution-Noncommercial-No Derivatives license 4.0.

You may share and redistribute this Bible translation or extracts from it in any format, provided that:

You include the above copyright and source information.

You do not sell this work for a profit.

You do not change any of the words or punctuation of the Scriptures. Pictures included with Scriptures and other documents on this site are licensed just for use with those Scriptures and documents. For other uses, please contact the respective copyright owners.

2014-04-25

PDF generated using Haiola and XeLaTeX on 11 Nov 2022 from source
files dated 29 Jan 2022
c35d6c73-3843-5482-b53e-7559d35deee5